

ممالك عثمانیه ده سنه لکی (۶۵) آتی،  
آیلنی (۳۵) غروشدور .  
ممالك اجنبیه ده سنه لکی (۱۷)، آتی  
آیلنی (۹) فرانقادر .

اداره خانہ

باب عالی جادہ سندھ دائرہ مخصوصہ

## افطارات

آبونه بدلی بشیندر .

مسلكه موافق آثار مع الممنونيه قبول  
اول نور. درج ایدلهین یازیلر اعاده  
اولونماز .

## افطارات

رساله مزدن آندین کوستر ملک  
شرطیه بتون یازیلر هر هانکی بر  
غزته طرفندن اقتباس اولونه بیلیر .

مکتوبلرک ، امضالرک واضح و  
اوقوناقلی اولسی و آتونه صره  
نومروسنی محتوی بولونمسی لازمدر.

مما لك اجنبيه ايجون آبونه اولانلرك  
آدرسلىرىنىك فرانسز جەد دىيارلىرى  
رجا اولدور .

پارہ کو ندرلدیکی زمانہ یہ دائر  
اولدیغنىك واضحاً بیلدی رلمسی رجا  
اولنور .

1 2 3 . 4 5 6 7

دینی ، فلسفی ، علمی ، ادبی ہفتہ کی مجموعہ اسلامیہ در .

صاحب و مدیر مسئول

باش محرور

محمدا كفا

اشرف ادیب

اتبعون اهدكم سبيل الرشاد

والله يهدي من يشاء الى صراط مستقيم



اسلامك ظفر و اعتلا كونلری در . الله بزی بو اتحاد  
و اتفاقدن آیرماسون ؛ امین اولوکز که یقین زمانده جهان اسلام بویوک  
تحولاته اوغرایه جق ، استقلالنی ، حریتی قازانه جقدر ...  
اللهم انجز لنا ما وعدتنا اللهم ان تهلك هذه العصابة من اهل الاسلام  
لا تعبد فی الارض .

عبدالرشید ابراهیم

### رسمی « ایران ، حالامی سکوت ایدم جک ؟ ..

آخرالادیان اولان مسلمانلارک محافطه سی ، درتیوز میلیونی  
متجاوز اولان مسلمانلارک زنجیر اسارتدن تخلص کریبان ایتلری  
ایچون با فتوای شریفه خلیفه اسلام طرفندن اعلان ایدیلن جهاد  
مقدس ، ایکی آبی تجاوز ایتدیکی حالدده حالا « ایران » حکومتی کندیسنی  
بی طرف کوستریور ! حال بوکه دیگر طرفندن مجتهدین ایرانیه طرف  
طرف ایرانیلری جهاد میدانلرینه سوق ایدیور ، خلیفه اسلامک  
عسکرلره برلکده دشمن اسلامه قارشى محاربه ایتلرینک فرض عین  
اولدیغنی کندیلرینه تفهیم ایدیورلر . جهاد مقدس اعلان ایدیلرلی  
عالم اسلامک هر طرفنده بک مهم نتیجه لر بادی اوله جق حرکت و غلبان  
دینیه مشاهدده اولونمقدده در . ذاتاً ناصل بی حس قائمه بیایرکه بو محاربه  
اسلامیتک محافطه سی ، مسلمان دشمنلرینک محو و پریشان اولمسی  
ایچوندور ؟ .. مسلمانلر ناصل بی طرف قالمه بیایرلرکه بو جهادک هر کس  
اوزرینه فرض عین اولدیغنه دائر شیخ الاسلام و مفتی الانام حضرتلری  
طرفندن فتوای شرعیه صدور ایتشدور ؟ .. بومسئله ده ایران حکومتی  
قومشولری اولان اسلام حکومتلرینه پیشدارلق ایدمک میدان جهاده  
اک اول کندیسنی آتیه جق ایکن حالا کندیسنی بی طرف کوستریمسی  
بزی دوچار حیرت ایدیور .

بز ایران حکومتک میدان مجاهدیه آتیلیمه سسندن بک بیوک  
نتیجه لر بکله یوزز ؛ بالخاصه وحدت اسلامیه ، مسلمانلر آره سسندمکی  
رابطه ملیه نك احیاسنه تعلق ایدن شومسئله ده ....  
هله ایران ایله افغانستانک ، بلوچستانک ، تورکستانک متفقاً حرکت  
ایتمه سسندم مسلمانلار نامنه بیوک بیوک نتیجه لر الله ایدیلر جکی وارسته  
ایضا حدر .

ایرانیلر ، بدایت اسلامده علوم اسلامیه نك نشری ، احکام  
اسلامیه نك محافطه سی ایچون هر وسیله ایله خدمتدن ناصیل کری  
طور مامشلا ریس بو کون ده صلات دینیه نك تقویه سی ، وحدت اسلامیه نك  
تظاهری خصوصنده سائرلرینه پیشدارلق ایتلرینی اونلرک علوا فکارندن ،  
مسلم اولان همتلرندن بکله مکده هر کسک حق واردر .

عجبا ایران مجد سابقی ، علماسیله ، حکماسیله اسلامه قارشى یاغش  
اولدیغنی خدماتی اونوتمش می در ؟ . یوقسه بو کون اسلامک باشنده قارتال

بونک کبی دیگر دولتلرکده هر سینه مکده مسلمان قیلیقلی برر خفیه  
بولندیره رق مسلمانلرک اسرارینه مطلع اولمق ایسته مه لری هیچ شبهه سز  
اومعجزه باهره اثری ، او خوف و اندیشه نتیجه سی دکلی در ؟  
بوندن باشقه ، بوتون رجال سیاسیه نك افکارینی دهشتلر ایچنده سینه لرجه  
مشغول ایدن ، بوتون محافل دولیه ده غایت مدهش بر مسئله شکلی آله رق  
کیتدجکه مقام خلافتی تهدید درجه سینه قدر کورتورولن « مسئله شرقیه »  
دخی بو خوف و اندیشه نتیجه سی دکلی ایدی ؟

ایشته ، ای اخوان دین ، عصر لرجه بوتون اودیپلوماتلرک ، اوسیمسی  
داهیلرک کوزلرینی ییلدیران ؛ آنلری بیک درلو اندیشه لره دوشورن ،  
تدبیرلره سوق ایدن « جهادا کبر » بوتون دهشتیه بو کون ظهور  
ایتدی . فرمان خلیفه ذاتاً جان و دلدن اطاعتله مجبول اولان و کندیلرینه  
جهاد امری تبایغ اولونه بیان بوتون عالم توحید ، بوتون مسلمان  
امتلی « راه جان مرجسم را ویران کند ، بعدازان ویرانی آبادان کند »  
دینیه دینیه میدان جهاده دولدیور : امراسی کیدیور ، اشراقی کیدیور ،  
اعیان کیدیور ، مبعوثانی کیدیور ، مولویلری کیدیور ، طلبه کیدیور ، حاصلی  
بوتون افراد ملت صرهبی کدجکه سوه سوه دارالجهاده شتابان اولیور .  
بالکمز بوقافله فداکاران آره سسندم علمای عظام حضراتی کورولمور .  
آرتیق بیاض صاریقلی علمای کرام حضراتنکده بر قافله تشکیل ایدرک  
حدودلرده دین دشمنلرله چاریشان مجاهدین اسلامیه یه علمدارلق ،  
پیشوالق ایتلری زمانی کیشدر .

ای مدرسین کرام ، ای علمای عظام ! هر کس سزی هر اموره  
پیشوای امت اوله رق کورمک ایستیور . اوتدنبور دائماً بعض خیر  
خواهان امتک سزک طور و حرکاتکزی تدقیق ، بعضاًده تنقید ایتلری  
سزله قارشى اولان حسن ظن و فرط اعتمادلرندن ایدی . یوقسه هیچ  
بر حقیقی مسلمانک علماء کرامه قارشى اغراض شخسیه سی اوله ماز .  
بوتون افراد ملت کمال صمیمیتله آرزو ایدرکه : بوتون جریان احوالده  
علمای کرام ملت رهبر اولسون .

بو کون حکومت حاضره مرکز فعالیت و متانتی ، انهمه مسئله لرده کی  
موفقیتانی کوریور ؛ بوعزم خدا پسندانه ایله عصرلردنبور اذهان جهانی  
اشغال ایدن « شرق مسئله سی » کبی مدهش و مهلک مسئله لرک دخی  
دشمنلرمن طرفندن بردها موضوع بحث و مناقشه دکل ، خاطرلره بیله  
کتیرلیه جکته ملنجه قناعت حاصل اولمشدر .

حکومت سنیه مرکز کوندن کونه موفقیتانی تظاهری ایتدجکه ملتکده  
شوق و اشتیاقی غلبانه کله رک « جله کفتندش که جانبازی کنیم ، فهم  
کرداریم و انبازی کنیم » دینیه فدای جان ایتک ایسته دک لرنده دائماً  
اوکلرنده علمای عظام حضراتنک بولمسی آرزو ایدیورلر .

..... مدرسین کرام حضراتندن مرکب بر قافله علماء دارالجهاده  
عرض مهابت ایدم جک اولورلر سه اردوی اسلام آره سسندم نه عظیم تأثیر  
حاصل ایدم جکفی آکلامایان وارمی در ؟ .....



واجب در. هم به، سزی تشکیل ایدن عناصره کوره کوچ برشی دکل در. بز اویله ظن ایدیورزکه: افغانستان ايله بر اوله رق وحدت اسلامیه بی تأمین ایچون سسکزک چیقیدنی قدر باغیر مق، دشمنه مقاومت ایچون متفقاً یمن ایدرک متجاوزلره قارشی بر حصن حصین اولمه یه جالیشمق ایچون بوندن دهها مناسب وقت اولامیه جغنی تقدیر ایتمشکزد در. دوستلریله ال اله ویره رک دشمنلردن تام معناسیله انتقام آلق ایچون بوندن دهها مناسب زمان اولمیدنی قطعاً سزه خفی دکلدر.

اویله ظن ایدیورزکه: انکلیزلرک هندستانی استیلا ایتمی، انجق سزک ايله افغانستان آرسنده اختلاف وقوع بولسی ايله تمام اولدینقی اونوتما دیکز!

سز بیلیمور میسکزکه هندستانده اولان هر مسلمان نظرنی پنجاب طرفنه دیکمش، سزک افغانستان ايله اتحاد ایدرک قدومکزه انتظار ایدیورلر؟...

ای ایران! سن بر جوق تجربه لر آتلاشم، عبرت آمیز پک مهم حوادث روزمره یی مشاهده ایتش ایکن بوندن سوکرده آری باش چکمه کز ناصیل طوغری اوله بیلیر؟.. شوکت وسطوتک اتحاددن حاصل اولدینقی یقیناً بیلدیککز حالده بویله بر فرصت کوننده قومشو. لریکز اولان حکومت اسلامیه دن آری طورمکزه، اونلرک آتیلدینقی جهاد مقدسه حالا اشتراک ایتمه مکز طوغر واولور می؟..

بوزمان، مؤاخاة زمانی، اتفاق زمانی در؛ دشمن دین ووطن، هر طرفدن مملکتسکزی احاطه ایتش، هر بریسی سل سیف ایدوب سزی لقمه لقمه تقسیم ایتک، مملکتلریکزی یغما ایتک ایستورلر. انکلیزلر ايله موسقوفلرک ایکی سنه اول ارتکاب ایلدیک وحشتلری نه چابوق اوتدیکز؟.. اک مقدس برکونکز اولان محرم الحرامک اونجی کونی مجتهدلریکزی باش آشانی آصق صورتیله اعدام ایدن موسقوفلر ايله انکلیزلر دکل ایدی؟..

ای ایران! ایشته سنکده بو جانیلردن انتقام آله جفک زمان کلدی. اگر بوفرستی فوت ایدم جک اولورسه ک هیچ بر زمان بویله بر فرصت بولامیه جفکه امین اولمیسک! بوکون انکلیزلرک باشلرنده کی فلاکت، بالخاصه مصر مسئله سی کنیدیلرینی بوسبتون شایر مش، قوه عسکریه سنه تام معناسیله ضعف طاری اولمش، بناء علیه اونک هیچ بر طرفه باقه جق وقتی یوقدر. موسقوفلره کلنججه: اولرده بلاسنی بولمش، جنرال (هیندنبورغ) ک ایندیرمش اولدینقی سله تأدیب ايله دکل ایکی طرفی، کنیدیسی بيله کورم جک درمانی قالمامشدر. قومشو کز بولونان افغان امیری ایسه بالفعل میدان مجاهده یه آتیلمش دیمکدر؛ پک یقین بر زمانده بلوچستان ايله متفقاً انکلیزلر اوزرینه حرکت ایدم جکی ده نمایان اولمقده در. ذاتاً انکلیز دشمنلنی کرک افغان امیرینه، کرک بتون افغانلرک طمارلرینه قدر ایشله مش، قانلریله امتزاج ایتمشدر. خلاصه: ایران شاملنی ايله افغان امارتک متحداً خلیفه اسلام حضرتلرینک فرمان هایونلرینه اتباعی شرقده کی سارطوائف اسلامیه

کبی دونن فلاکتی مدرک دکلی در؟..

اوت، عالم اسلامک، حتی انسانیتک بيله مدار افتخاری اولان بخاریلری، مسلملری، نیسابوریلری، نسائی لری، ترمذیلری، ابن ماجه، ابو داود، بغوی، ابو جعفر بلخی، کلینی کبی اعظم امتی ایران اراضیسی میدانه کتیرمه مش می در؟.. طبیب شهیر ابو بکر الرازی، امام فخرالدین الرازی طهرانده نشأت ایتمه مش می در؟.. حجة الاسلام ابو حامد الغزالی، ابواسحق الاسفیرانی، بیضاوی، خواجه نصیرالدین الطوسی، ابهری، عضدالملله والدین کبی مسلمانلرک مابه الافتخاری اولان علمای اصولیون ايله علمای کلامیون بلاد فارسک افتخار ایدم جکی ذواتلردن دکلی در؟.. فیلسوف شهیر ابو علی بن سینا، شهاب الدین المقتول وامثالی ایران طورراغنده میدانه کلمه مش می در؟..

اوت، لسان قرآن اولان لسان عربی یه خدمت ایدنلرک، او لسانک اصولی ضبط ایدم رک فنون تأسیس ایدنلرک میانده سردارلق وظیفه سنی یابانلر اهل فارس در. سیویه، ابو علی الفارسی، رضی؛ طاقت بشریه نک یتشه بيله جکی برطرزده دقائق قرآنی آکلامق، اعجاز قرآنی بیان ایتک مقصدیله علوم بلاغت تأسیس ایدن عبدالقاهر جرجانی ده اولنردن دکلی؟ صحاح جوهری، مجدالدین الفیروز آبادی کبی اعظم بلاد فارسدن دکلی در؟

زمخسری، سکاکی، ابوالفرج الاصفهانی، بدیع الزمان الهمدانی کبی دقائق قرآنی ایضاح، معالم دینی تشید ایدن اعظم امتک هپسی ارض فارسدن دکلی در؟.. سردار مؤرخین اولان ابن جریر الطبری ايله جغرافیئنک اوکنده بولونان اصطخری، قزوینی بلاد فارسدن دکلیدرلر؟.. شبلی نهاوندن، ابویزید بسطامی بسطامدن، شیخ محی الدین عربی نک استاد حقیقیسی اولان استاد الهروی هراتدن، دهها طوغریسی بونلرک هپسی بلاد ایرانیه دن دکلی ایدی؟..

صدر الشریعه، فخر الاسلام الیزدوی، آمدی، مرغینانی، سرخسی، سعدالدین التفتازانی، سید شریف جرجانی، ایبوردی کبی اسلامه بیوک بیوک خدمتلر یامش اولان اولاد فارس خاطرلردن چیقیدمی؟.. قطب الشیرازی، صدر الشیرازی، متأخرین ایچنده رأس حکمت اولان میر باقر الداماد، میرفندرکس و سائرلری نره دن ایدی؟ بونلرک هپسی ده بلاد فارسدن دکلی ایدیلر؟..

هانکی فضیلت تصور اولنورکه: اونده اهل فارس ایچون یدطولا اولماسین؟!.. جناب حقل اسلام اوزرینه احسان ایلدیک هانکی مزیت واردرکه اهل فارس اونی اقتنا ایچون سابقین دن اولماسون؟!.. ذاتاً جناب پیغمبرک: «لوکان العلم فی الثریا لئاله رجال من فارس» قول نبویسی اهل فارسک مزیتنی بیان حقنده شرف صدور ایتمه مش میدر؟.. ای ایران! پرشان و شرف ماضیکی خاطرلا!.. اسلامه، علوم اسلامیه یه اولان آثاریکه باقده نشة اسلامیه ایچون ناصیل وقایه اولمش ایسه ک، بوکونده وحدت اسلامیه نک قظا هری ایچون دعاه اولمه یه چالیش! وحدت اسلامیه نک تأمین هر کسندن زیاده سزک اوزریکزه



«اعاده آسایش» یالانک تاثیر منومی اوزون مدت دوام ایتیه جکدی. انکلتره نك مصری تخلیه ایتسی ایچون هریردن طلبلر وقوع بوله جکدی. انکلز دیپلوماسیسی یکی مشکلات ایجادنی دوشونیدیلر. میلیونلرجه مسلمان خانمانک سونمه سندن، ملیونلرجه مسلمان قانک هدر اولسندن ذره قدر متأثر اولیان بو ملعون دیپلوماسی سودان مشکلاتی ابلسانه برمهارت وموفقیت ایله اورته یه قویدی.

قارنلر تحطیر ایدرلرکه سرگذشتک برنجی فصلنده خدیو اسبق اسماعیل پاشا طرفدن سودانه بعض انکلز مأمورلری تعیین ایدلمشدی. بونلر ظاهرأ مأمور، باطنأ سودانلیرلی مصر حکومتنه قارشو مصر لیلرک یاره سیله عصیان تشویق ایتکه کیجه کوندوز چالیشان خدعه باز اسافل ایدیلر. عربی اختلالی مصرده باشلار باشلاماز سودانده — تام انکلزلرک ایسته دیکی کی — مصر حکومتی ومصر لیلر علیهنده رایت عصیان کشاد ایدلش واوراده اختلال باشلامش ایدی.

انکلزلر مصره کیرملرنی متعاقب مصرده قوتلی بر اردو کور. مشلردی. ایلک اول بونلری اعدام ومصری ال دینج وزنده اولادلرندن محروم ایتک ایجاب ایدیوردی. مصر اردوسی بیدرنی سودانه ارسال واوراده انهمزه دوچار ایدیلوردی. اوچ سنه ظرفنده مصرک کنج روحندن طوغان التمش بیکن فضل بهادر سودانک جهنمی کیرودارنده محو اولدی. بو مشئوم حربلردن قورتولانلر اک یوکسک سسلریله انکلز قوماندانلرینک مصر لیلری درویشلرک الیه دوشورمک ایچون چور دکری پلانلری بتون فجاعتیه تشریح ایدیورلر.

۱۸۸۴ سنه سنده انکلزلر حکومت مصریه دن سودانی مصردن آیرمنی طلب ایتدیلر. اووقت ریاست نظاری اشغال ایدن شریف پاشا بوطلی رد واستعفا ایتدی. یرینه «نوبار» پاشا تعیین ایدلدی. «نوبار» پاشا کی اجنبی ومصر ایله هیچ برابطه سی، برعلاقه سی اولیان بروزیر انکلزلرک امرینه اتباعأ سودانی مصردن آیرمقده برأس کوره مزدی وکورمدی.

بونک اوزرینه انکلزلر مصر مسئله سنی وسودان مسئله سنی دها فضله مشکلاشدیرمک ایچون مصر اردولریله بالاشترک سودانه برانکلز اردوسی سوق ایتکی قرارلاشدیردیلر. برچوق هزیمتلردن، برچوق فاجعه لرندن، سودانک عادتاً نصف اهالیسی محو وپریشان ایدلکدن صکره مقدس هلالک یانسه انکلز ملعننی فوق التصور شناعتیله تمثیل ایدن انکلز بایراغی دیکلیدی.

الحاصل انکلزلر سودانی نهایت بر مرکز دسائس یاغنه موفق اولدیلر. ایجابنده اورادن ایسته دکری قدر شورشلر، اختلاللر چیقاریرلردی.

۱۶

انکلزلرک مصرده قالمی ایچونه قولمورلری سولمدر انکلزلر نصل مصرده قالمی ایچون سودان مشکلاتی کندیلرینه مخصوص اولان حیثیتلرک وشناعت ایله ایجاد ایتکه موفق اولدیلر

آره سنده شوکت وسطوت اسلامیته نك یکیدن پارلامسنه، طولایسیله بالعموم مسلمانلرده بر حیاة نوین، برآمال تجدد پرورانه وجوده کلسنه بادی اوله جنی محقق در.

ذاتاً یوقاریده ده سویلده کمز کی بوکون مقام خلافت اعلاى کلمة الله ایچون، محافظه حقوق اسلامیته ایچون بالفعل میدان مجاهده یه آتیلش و بو جهاده بتون مسلمانلری دعوت ایتش اولسیله بویه بر وقته ایرانک بی طرف قالماسی دینداشلق ایله قابل تألیف دکدر، ظن ایدرز؛ بالخاصه قومشولری اولان افغانستان وسائر نك متهی حرکت اولدقلى بویه بر زمانده..

بنام علیه بوکون ایرانده بولونان افکار منوره احسانه، علما ومجتهدین عظام حضراتنه ترتب ایدن اک بیوک، اک مهم بروظیفه وار ایسه اوده: غزته لرله، رساله لرله، جرائد موقوته ایله اهالی یه حالی آکلاتمق، ایرانک فرصتی فوت ایتیه ریک برآن اول میدان مجاهده یه آتیلمه سنده محقق اولان فوائد مادیه ومعنویه یی ایضاح ایدرک افکار عمومیه یی اوطرفه میل ایتدیرمک در. هم بووظیفه یی احکام دینیه دن بری اولق اوزره ایضا ایتلی درلر. چونکه بوکون یر یوزنده اولان بتون مسلمانلر اوزرینه جهادک فرض عین اولدیغی — یاره ایله صائمش برقاچ خذله استشنا ایدیلنجه — آکلامایان یوق در. — لاسمح الله — ائتلاف منک غالب کلدیکی تقدیرده محاربه نك اسلامک محویه نتیجه. لنه جکی؛ اوزمان نه ایران، نه ده توراندن اثر بیله قالمیه جنی آرتیق بر قطعیت ریاضیه ایله معلوم در.

شو حالده ایران برحکومت اسلامیته اولق صفتیه قطعاً بی طرف قلاماز. «یا ایها الذین آمنوا ادخلو فی السلم کافه ولا تتبعوا خطوات الشیطان انه لکم عدو مبین. فان زلتم من بعد ما جاءکم البینات فاعلموا ان الله عزیز حکیم. هل یظنون الا ان یأتیهم الله فی ظلل من الغمام والملائکة وقضى الامر؛ والی الله ترجع الامور.» «قرآن حکیم»

آتمه کیلی

احمد حمیدی

## مصر سرگذشتی

۱۵

سودانه مسئلری

انکلزلرک مصری اشغال ایتلرنی متعاقب؛ بو اشغالک موقت اولدیغی، مصرده آسایش تقرر ایدر ایتز مصری تخلیه ایده جکلرنی بیکلرجه دفعه وعد ایتدیلر. بدیهیدرکه بتون بو وعدلر هم مصر لیلری آلتامق؛ هم حقوق حاکمیتی ایسته یه جک باب عالی بی اوایلایمق، هم ده اوروباده کی رقیبلرینک حرص استیلا کارانه سنی تسکین ایتک ایچون انکلز ناموسی نامنه ایلرو سورولیلوردی. فقط بوکا رغماً مصرده